

海意菩薩所問淨印法門經卷第四 阜二

海意菩薩所問淨印法門經卷第五 阜三

中華藏經委譯爲贊大師常維淨恭譯奉詔第廿譯

此法善淨復明亮
無住無滅無起生
住彼根本得摠持
若敬若慢世所行
等智隨住於法性
雖住智中無得心

本無和合與空等
是印隨攝於佛印
長時修習慈悲行
平等慧中無喜恚
不住癡暗及癡法
安山等智常清淨

智常覺了身所作
衆生若見清淨身
感儀善戒無散亂
身諸過失雖無邊
彼獲莊嚴妙相身
清淨圓滿諸根身

以諸智行利世間
皆得離塵勝佛智
有無分別中隨行
本來不生無所斷
手足柔軟福嚴具
不恃色相智所作

若見貧賤苦衆生
尊奉知法持戒人
實知自佗身法性
獲得淨勝妙法身
常受定中禪悅食
順世受食非力資

謙下尊敬而不慢
從彼聞法得聖道
知諸衆生實性身
不受分段身離染
不以段食益威光
法命滋養成甘露

常獲聖行善寂靜
密護戒學無順違
神力能往俱胝刹
世間瞻觀妙相身
身放光明妙清淨
光照福勝輒觸生

解脫貪瞋癡染聚
寧捨己身不造罪
隨應現身而說法
彼皆獲得身高勝
廣照無邊諸刹土
衆生悉除煩惱害

地獄衆生常受苦
身意調暢酸楚停
如是及餘諸身業
能開佛事調伏門
語言妙音淨悅意
凡所說法果不虛

蒙光照觸得快樂
由斯得離地獄苦
隨智無邊善殊妙
菩薩身業此清淨
天人世間聞皆喜
此法能成甘露滅

語言隨墮語過失
衆生語業及音聲
相續平等真實說
凡所說言誠實行
語言甘美貪止息
甚深無底斷除癡

清淨福智善能斷
普令同等皆歡喜
言無濁亂皆如實
智隨諦轉善清淨
攝功德語瞋解脫
於千利中作善利

乃至道樹成智果
菩薩得定名自說
一切善道淨勝上
坐菩提場善畢竟
積諸善法等須彌
得是三摩地獲福

具二十法名淨印
證大菩提佛勝智
得八不共神通相
廣作利樂世間事
讀言勇猛大最勝
無高無礙智平等

此所說言無分別
應衆生根歡喜生
善修意業常無障
不起滅定現威儀
聲聞緣覺不能測
不生自佗損害心

不假勤力隨解脫
此智所作語清淨
一剎那心世悉知
魔不能知菩薩意
菩薩甚深心意道
無高無礙智平等

如日光明照世間
菩薩當坐道樹已
能於百佛刹土中
諸佛皆來施無畏
悉能已伏諸魔軍
證佛菩提勝無上

三
阜三

菩薩隨世善覺知
不入滅定證樂門
聞法所行智常住
清淨諸障煩惱除
菩提分法無邊量
智常隨住止觀中

無受無思無伺察
無邊辯才總持具
念定無亂住等引
極微瑕穢悉不見
悉能普攝離放逸
十地次第今成證

得是三摩地獲福
具二十法名淨印
證大菩提佛勝智
得八不共神通相
廣作利樂世間事
讀言勇猛大最勝
無高無礙智平等

獲此身心勝功德 決定能成此佛印

此功德門若欲修 當於菩提心堅勇

爾時世尊復告海意菩薩摩訶薩言海意以

是緣故若諸菩薩欲得如是自說淨印三摩地法門及自說無垢慧者當住二種之心一者無濁亂心二者無滓穢心無濁亂心者謂

心自性清淨明亮而不容受客塵煩惱法性常住本自光明一切作意無所積集無塵故離貪無分別故離瞋無我故離癡清淨偏淨畢竟無垢自在光明如所解脫一切法亦然隨住真如平等故如所解脫一切法亦然隨住法界平等故如所解脫一切法亦然隨住

實際平等故如所解脫一切法亦然隨住空平等隨住無相無願無造無作無生無起諸平等故如所解脫有爲法亦然隨住無爲法平等故即此隨住平等之法無集無散非智所知此說名爲無濁亂心即以此法爲住衆生及餘補特伽羅顯明開示於自住法不起

動亂之想此即是爲無滓穢心海意具是無濁亂心無滓穢心者即能獲得自說淨印三摩地門

爾時海意菩薩白佛言世尊此三摩地而極甚深佛言不得涯底故海意又言世尊此三摩地而極難見佛言離二法故又言世尊此

三摩地極難覺了佛言無我我所故又言世尊此三摩地而極難知佛言識智二法平等知故又言世尊此三摩地而無濁亂佛言得無礙解脫故又言世尊此三摩地而極微妙佛言離諸譬喻故又言世尊此三摩地而極精實佛言得金剛喻智故又言世尊此三摩地而不破壞佛言先後不破故又言世尊此三摩地悉無所著佛言一切有著隨超越故又言世尊此三摩地得大光明佛言離諸癡瞋故又言世尊此三摩地而極清淨佛言畢竟無染故又言世尊此三摩地本性無垢佛言離貪塵故又言世尊此三摩地而無所行

佛言三界無行故又言世尊此三摩地而無戲論佛言超越戲論故又言世尊此三摩地無動佛言畢竟寂靜故又言世尊此三摩地隨入一切處佛言與虛空等故

爾時海意菩薩復白佛言世尊若如是者何能發起勝行云何當獲自說淨印三摩地門

佛言海意譬如有人欲與虛空而共戰敵時彼虛空乃被甲胄菩薩亦復如是欲得自說淨印三摩地者應當被於諸法平等甲胄莊嚴何以故海意隨有所滅即有所起又復海意識種子是有爲無表種子是無爲此三摩地非眼識所知非耳鼻舌身意識所知此三摩地不可表了應知無知亦非無知此三摩地無表了相於一切法平等覺了故此名三藐三佛陀又復海意我不見有法是染相故成等正覺亦不見有法是淨相故成等正覺若有相是染即彼相是淨所謂自性清淨相故若彼自性清淨相者即是無相若其無相

即無行相若無行相即無少法而可表了由無表故即一切法無所了知若法無能表及無所表故是中即無文字集現若無文字可集現者即所說如此復何名即所說如謂後如於前中亦復然此即是名一切諸法三世皆空復何名空所謂無作即此無作亦復無

皇三

五

作亦非無作是故此說名之爲空所言無作義復云何無作者謂無現前諸行造作以無少法可造作故是故此說名爲無作復何名爲無現前行謂無身現前行語現前行心現前行故此說名無現前行若無現前行彼即無爲若其無爲即無生無滅亦無處所即此無生無滅無處所法亦復無處何名無處所謂現前諸行無處是故此說名爲無處所以者何所謂識不住色中不住受想行中若識無所住即是正智而彼正智即智無領納若智無領納即無增上意樂若無增上意樂即無諍論若無淨論即無動亂若無動亂即無

逼惱若無逼惱即無燒然若無燒然即得止
息若得止息即住偏寂若住偏寂即住近寂
若住近寂此即名爲得大寂默是故前言智
無領納是佛所說海意此法甚深難見難解
若有得聞如是之法生信解者是人所有一
切顛倒煩惱執著纏縛等法悉得解脫即能

住持過去未來現在諸佛世尊法藏爲大導
師開示一切衆生無量正道爲大醫王善療
衆生一切無相煩惱之病是爲能以廣大供
養普供如來不久當得自說淨印三摩地門
所作決定於此大乘法中能善積集爲大法
船而能濟渡無量衆生出生死海爲大正士

降伏諸魔永不復隨魔境中語

爾時海意菩薩白佛言世尊菩薩云何而能
降伏一切魔怨佛言海意若菩薩以無所爲
心能於一切普攝受者而彼菩薩即能降伏
一切魔怨又若菩薩以無所爲心於彼一切
所緣相中能發起者而彼菩薩即能降伏一

切魔怨海意當知魔有四種何等爲四一者
蘊魔二者煩惱魔三者死魔四者天魔若或
伺察幻法即能降蘊魔安住空法能降煩惱
魔伺察無生無起之法能降死魔俱時依止
一切意法趣向滅道能降天魔又復知苦能
降蘊魔斷集能降煩惱之魔證滅能降死魔
降伏天魔又復伺察諸行是苦能降蘊
阜三修道能降天魔又復伺察諸行是苦能降蘊
魔伺察諸行無常能降煩惱魔伺察諸法無
我能降死魔伺察涅槃寂靜能降天魔又復
菩薩內斷煩惱垢而不忘失大菩提心行於
布施即能攝伏蘊魔若菩薩不惜其身亦不
繫著行布施已而能迴向於一切智即能攝
伏天魔

伏煩惱之魔若菩薩能念財富無常我當與
彼一切共用真實施與如是施已而能迴向
於一切智即能攝伏死魔若菩薩於一切衆
生所而不越失大悲之心以解脫慧普攝衆
生行布施已而能迴向於一切智如是即能

復次海意若菩薩雖生諸趣無所慚望善護
戒行即能降蘊魔若我見無依止善護戒行
能降煩惱魔若以淨戒令諸衆生出離老死
自護戒行能降死魔若起是念我令一切毀
禁衆生皆悉安住聖淨戒中自護戒行能降
天魔又復菩薩於我無所得修行忍辱能降

蘊魔於衆生無所得修行忍辱能降煩惱魔
於生死無所得修行忍辱能降死魔於涅槃
無所得修行忍辱能降天魔又復菩薩身寂
靜故發起精進能越蘊魔心寂靜故發起精
進能越煩惱魔了達無生無起故發起精進
能越死魔於生死中未嘗懈倦成熟衆生攝

阜三

七

受正法發起精進能越天魔又復菩薩處無
依止而修於定能越蘊魔界無依止而修於
定能越煩惱魔處無依止而修於定能越死
魔於餘禪支亦悉一一迴向菩提能越天魔
又復菩薩能以正慧善知諸蘊能降蘊魔善
知諸界能降煩惱魔善知諸入能降伏魔雖

善知緣生而於實際亦不取證能降天魔又
復菩薩解諸法空即彼蘊魔伺不得便意能
信順諸法無相即煩惱魔伺不得便知一切
法無求無願即彼死魔伺不得便知一切法
無所造作亦無疑惑然於善行心不厭足即
彼天魔伺不得便又復菩薩隨觀身中身念
處而修亦不與身俱起於尋求能破蘊魔隨
觀受中受念處而修亦不與受俱起於尋求
能破煩惱魔隨觀中心念處而修亦不與
心俱起於尋求能破死魔隨觀法中法念處
而修亦不與法俱起於尋求於菩提意亦無
所動能破天魔

復次海意汝今當知此如是等諸有塵業皆
由我爲根本若或菩薩於根本我而不起者
即於我無我是中亦無少法可起如是即以
現量智知又若菩薩爲彼無智諸衆生故被
大乘鑑者菩薩應當不與自他俱時依止故
被其鎰菩薩乃自思惟我當云何而得此鑑

堅固不壞又復惟忖我所被鎧不爲壞我亦
不壞衆生不壞壽者士夫養者補特伽羅意
生等類若或依止我人衆生壽者補特伽羅
等見即有所著是故我今諸所依止而悉棄
捨何依止耶謂於離處界中顛倒依止何所
顛倒以諸衆生於無常中而生常想苦生樂

想無我我想不淨淨想善薩若能正知彼想
即爲如應說其法要云何正知想耶謂若無
受無取即能正知何以故此若不受彼即不
取此若不取彼亦不受若如是者即無癡昧
能正知想海意菩薩由佛言世尊想云何知
或過去耶未來耶現在耶佛言非過去未來

阜二

八

現在所以者何過去想已盡未來想未至現
在想無住是故當知於三世中想無所得如
是乃能正知於想由正知想故即能清淨菩
薩一切所行之行復能了知一切衆生種種
之行海意若菩薩不能清淨菩薩之行即不
能知衆生之行若復能知衆生諸行乃能清

淨善薩之行如是了知衆生行故即爲衆生
如應說法乃能隨諸衆生心轉所應示現而
悉能知海意當知或有衆生貪意中行瞋有
瞋意中行貪有癡意中行瞋有癡意中行貪
有貪意中行癡有瞋意中行瞋有瞋意中
行貪有癡貪意中行瞋又有衆生貪現於貪
而取於瞋假現於瞋而取於貪假現於瞋而
取於貪假現於貪而取於瞋假現於瞋而取於
瞋假現於貪而取於瞋假現於貪而取於瞋
又有衆生先貪後瞋先瞋後貪先瞋後癡先
癡後瞋先瞋後貪先貪後瞋先貪後瞋先
瞋後貪先凝貪後瞋先凝瞋後貪又有衆
生於色起貪於聲起瞋於聲起貪於色起瞋
於香起貪於味起瞋於味起貪於香起瞋於
觸起貪於法起瞋於法起貪於觸起瞋又有
衆生因離色故而得調伏不因離聲有離聲
故而得調伏不因離香故而得調伏

阜三

九

不因離味有離味故而得調伏不因離香有離觸故而得調伏不因離法有離法故而得調伏不因離觸又有衆生因身離故而得調伏不因心離因心離故而得調伏不因身離有亦因身離亦因心離而得調伏有不因身離不因心離而得調伏又有衆生因無常聲而得調伏不因苦無我寂靜等聲有因苦聲不因無常無我寂靜之聲有因無我聲不因無常苦寂靜聲有因寂靜聲不因無常苦無我之聲又有衆生有因說法神變而得調伏不因教誠神變有因教誠神變而得調伏不因說法神變有因神境神變而得調伏不因

由因有亦由因亦由緣故而得解脫有不由因不由緣故而得解脫又有衆生因內觀過失故而得解脫不因外觀有因外觀過失而得解脫不因內觀有亦因內觀亦因外觀諸過失故而得解脫有不因內觀不因外觀諸過失故而得解脫又有衆生修行於樂成證解脫不因於苦有因於苦不因於樂有亦因苦亦因於樂有不因樂亦不因苦又有衆生因警發相而得調伏因安止相而得調伏因降伏相而得調伏因善攝相而得調伏有因善相而得調伏有因不善相而得調伏有因瞋相而得調伏有因三相而得調伏有因緩相而得調伏有因緣生法而得調伏有因隨順行而得調伏有因默然行而得解脫有因差別行而得解脫有因念處法聲有因正斷聲有因神足聲有因根聲有因力聲有因覺支聲有因正道聲有因奢摩他聲有因毗鉢舍那聲有因四聖諦聲而得解脫海意此

如是等不可思議衆生所行不可思議衆生心意不可思議衆生境界若菩薩入不思議智入已即能徧入一切衆生不可思議境界海意譬如有周徧四方以繩爲網是人忽以因緣入其網中此人普欲解除其網而以此人善噃力故其網後時爲噃力所加而悉

斷壞是人隨意得出無礙菩薩亦復如是由具善巧方便故遍入一切衆生心意入已即能以般若波羅蜜多明噃之力普斷一切衆生煩惱纏縛菩薩然亦不證佛智普爲一切衆生現起施作一切佛事

尔時尊者舍利子前白佛言希有世尊所有

無量衆生心行乃至不思議佛智又復甚奇世尊若新發意菩薩或聞說此無量衆生心行無量佛智聞已豈非生驚怖耶

佛言舍利子於汝意云何譬如新生師子之子聞師子吼可驚怖不

舍利子言不也世尊佛言舍利子新發意菩

薩亦復如是聞佛如來師子吼已不生驚怖聞說無量衆生心行亦無恐畏

舍利子又如小火光明於彼一切草木不生驚怖火亦不作是念我無力能燒諸草木新發意菩薩亦復如是智慧光明雖復甚少而於一切衆生所有煩惱不生驚怖菩薩亦不

阜三

十一

作是念我不能息衆生煩惱何以故菩薩若起深固作意以所成慧如實觀察即能息諸衆生煩惱

舍利子又如有火與彼大地一切草木樹林華果要期盡劫而共鬪戰至第七日當起戰事時彼大地草木并餘一切草木等衆而共

集會乃相謂言汝有力能與我援助時諸草木積聚既廣量等須彌時或有人來謂火言草木衆多汝唯單已汝今何不多求援助汝力何能敵草木衆彼火

答言我今不須求其助力何以故而諸草木雖復衆多隨彼一切我力能敵令彼草木悉

滅無餘菩薩亦復如是隨彼無量衆生一切煩惱菩薩即故無量

慧火其力敵勝又復菩薩起深固意於一切衆生煩惱聚中以所成慧如實觀察即能息諸衆生煩惱若或菩薩取證離煩惱法捨煩惱者彼即速墮聲聞緣覺之地舍

利子以是緣故汝應當知若菩薩隨於一切煩惱聚中能深固作意如實伺察者即於彼彼一切煩惱力能勝伏舍利子若有得聞如是說已不驚怖者當知是爲善巧方便菩薩舍利子又如蛇毒凡所傷螫而無助伴新發意菩薩亦復如是修集菩提分法時亦復單已而無助伴但自修集菩提分法又如螢火不能勝彼百千日輪廣大光明一切煩惱亦復如是不能勝敵菩薩慧光又如除毒之藥狀雖至小而能解除廣大之毒菩薩亦復如是智慧之藥雖復至小而能息除諸煩惱毒又如天降一味之雨隨所墮處器有差別成

種種味菩薩亦復如是修集一味解脫之智隨諸衆生種種根性種種說法而各有異又如間浮檀金出現世間映蔽一切餘諸珍寶菩薩大寶出現世間亦復如是映蔽一切聲聞緣覺又如轉輪聖王出現世間一切小王皆悉歸向菩薩法王之子亦復如是若發大菩提心一切世間天人阿脩羅等各各頂奉而悉歸向又如薄福衆生雖遇寶雨而無所獲不種善根諸衆生等亦復如是雖發菩提心而無所成又如世間若無甘蔗種子即不能生於甜味菩薩亦復如是若無大菩提心種子即不能成就阿耨多羅三藐三菩提果